



FDU-INKINGI
Forces Démocratiques Unifiées
United Democratic Forces



☐+44-7988-883-576 ☐ info@fdu-rwanda.com

<http://fdu-rwanda.com>, <http://victoire-ingabire.com>
COMITE DIRECTEUR – STEERING COMMITTEE

“Pour un Etat de Droit, la Démocratie et l’Egalité de chances” ; “For the rule of law, democracy and equal opportunity”

ISABUKURU Y’UBWIGENGE NITUBERE IMBARUTSO Y’IMPINDURA AMATWARA.

**Banyarwanda,
Banyarwandakazi,
Nshuti z’u Rwanda**

Kuri uyu wa mbere Nyakanga 2019, Urwanda rurizihiza ku nshuro ya 57, isabukuru y’ubwigenge.

Ku rubyiruko ndetse na bamwe mu basheshe akanguhe, uwo muni usa n’uwibagiranye mu mateka, ukaba warasimbuwe n’indi minsi ijyanye n’ihinduka ry’ubutegetsu igihugu cyacu cyagiye kinyuramo. Gusa, ubutegetsu buraza amaherezo bukagenda. Ariko amateka ahoraho. Kandi amateka ni nk’umuco, igihugu kitagira amateka ntigira n’umuco. Kuri uyu muni twibukaho ubwigenge twagombye gushyira ku ruhande indorerwamo za politiki dukunda kwitabaza, tukarebera hamwe inyigisho twakura muri icyo ntabwo ikomeye yagezweho taliki ya 1 Nyakanga 1962. Ikaba iy’abanyarwanda bese.

Abari ku butegetsu icyo gihe cy’ubwami bakomeje kwinubira ko ayo mateka yirengagiza akarengane kayakurikiye kakavamo ihunga rya bamwe mu bana b’u Rwanda, mu gihe ababasimbuye ku butegetsu bo bemeza ko icyo ntabwo yari ngombwa. Nibyo koko ubwigenge bwakurikiye n’ihunga ry’abatyumvaga muri ubwo butegetsu bushya, ariko twakwibutsa ko no ku butegetsu bw’ubwami bwariho, habayeho impunzi n’izindi mvururu. Umwami ahunze yasanze mu buhungiro bamwe mu bari bahunze ubutegetsu bwe. Ku rundi ruhande ntitwawirengagiza ko imvururu zakurikiye ndetse zikavamo n’ibitero by’inshyamba kugeza muri za 1967, zakurikiye n’umutekano mucye ku bakekwagaho kuba ibyitso. Bituma bamwe batongera kwibona mu butegetsu bushya bwari bugiyeho.

Ubwigenge, uko bwari bwatekerejwe n’impimbanyi za mbere za démocratie zatangiye kuyiharanira kuva muri 1960, bwagombaga guha rubanda ubutegetsu (*Ubutegetsu bwa rubanda, bukorera rubanda kandi butangwa na rubanda*). Izo mpimbanyi zimwe zikaba zarahasize ubuzima, zizize intagondwa z’abari bashyigikiye ubutegetsu bwari ho, zumvaga ko imbuto y’ubutegetsu ivukanwa, ko gusangira ubutegetsu ku baturarwanda bese ari amahano. Uwashidikanya yakongera agasoma ibaruwa y’abagaragu bakuru b’i bwami banditse 17-18/5/1958 basubiza impungenge zari zagejwe ku mwami mu cyiswe « Manifeste des Bahutu » yo ku wa 27/03/1957. Bimaze kugaragara ko icyo mpinduka ntacyari kuyihagarika, habaye impaka zahanganishije abari bashyigikiye ko ubwo bwigenge bwahita buboneka, n’abasabaga ko bwategurwa kugirango bitaba ibya nyirarureshwa. Ndetse aho bubonekeye, amwe mu mashyamba yari abogamiye ku bwami yakomeje gukorera mu gihungu, ndetse ahabwa ijamba mu butegetsu, kugeza ku myivumbagatanyo y’abateye igihugu muri za 1967.

Nyuma ya Kamarampaka yabaye 25/9/1961 ikemeza ko ubutegetsu bwa cyami buvuyeho burundu, ukuzima kw’abatavugaga rumwe n’ubutegetsu bushya bari muri UNAR, ryakurikiye n’ubutegetsu bw’ishyamba rimwe, MDR Parmehutu, ryari rifite ubwiganze ku buryo habuze uwarivuguruza mu

byemezo bwafataga. Ubutegetsi bwa MDR Parmehutu kwasimbuwe n'ubwa MRND muri 1973. N'ubwo igihugu cyagize igihe kirekire cy'agahenge, nta myiriyane igaragara, ikibazo cy'irengero ry'abahoze bayobora igihugu bo mu ishyamba MDR Parmehutu cyakomeje kumunga ubumwe n'ubwizerane mu banyarwanda bo mu majyaruguru no mu majyepfo. Nabyo ni amateka yacu tutagomba kwirengagiza.

Imitegekere yakurikiye yateje imbere ubukungu bw'igihugu ku buryo bugaragara, ku buryo abaturanyi bose badukibitiraga agatoki. Ariko umwanya w'abatavuga rumwe n'ubutegetsi ntiwigeze ugaragara. Nabyo ni amateka yacu.

Ikindi cyakomeje kumunga ubwo butegetsi ni ikibazo cy'impunzi zahunze ku bwigenge ndetse no muri 1973. Imishyikirano ya mbere yabaye muri 1976 hagati y'u Rwanda na Uganda ntacyo yashoboye kugeraho. Kuva muri 1986, ubutegetsi bwa MRND bwongeye guhagurukira icyo kibazo kugeza ku gushyira umukono ku masezerano yasinywe 30 Nyakanga 1990, yatanze umurongo w'uko icyo kibazo cyacyemurwa. Intambara yashojwe na FPR kuwa 1/10/1990, yashubije irudubi icyo kibazo, iza ndetse kuvamo itsemba bwoko ryibasiye abatutsi, ndetse n'itembatsemba ryakorewe abahutu, amategeko mpuzamahanga atarashobora guha izina ribikwiye. Ibi byose ni amateka yacu tugomba kwemera tukabana nayo.

Kuri uyu muni twibukaho ubwo bwigenge, ni ayahe masomo twakuramo, tukageza ku rungano , barumuna bacu ndetse n'abana bacu ?

1. Amatage u Rwanda rurimo kuva muri 1990, aya ku kibazo cy'impunzi zo muri 1959-62 zitashoboye gutahuka kubera impamvu zinyuranye. Umubare w'impunzi ubu ziri hanze y'igihugu, kandi zikomeje kwiyongera, urenze kure uw'izo zahunze muri 1959-62. Niba icyo kibazo kitabonewe umuti, dufite impungenge ko cyazakurura izindi mvururu, ndetse zigasembera mu karere kose k'ibiyaga binini.
2. Ubutegetsi bwakurikiranye kuva ku bwigenge, ntabwo bwahaye umwanya uhangije abatavuga rumwe n'ubutegetsi. Ubutegetsi butareka ngo abaturage bavuge ibyo batishimiye, butagira ababucyamura, badahuje inyungu za politique, buba nka wa muhungu umwe ugerwa kuri nyina. Buba nk'ubwa wa mwidishyi. Aha naho dufite impungenge ko niba abatavuga rumwe n'ubutegetsi bakomeje gufatwa nk'abanzi, tugana ku butegetsi bw'abidishyi.
3. Kuva u Rwanda rwabaho, n'ubwo umugani wavugaga ngo ruratera ntiruterwa, rwabayeho kubera umubano mwiza n'abaturanyi. Ubwigenge bwacu bushobora guhungabana niba tutanogeye uwo mubano.
4. Ubutegetsi bw'abaturage niyo yari inshingano y'abaharaniye ubwigenge. Imvugo igomba guherekezwa n'ibikorwa. Abaturage nibagire ijamba muri politique zibagenewe, mu mishinga, ndetse no gushyiraho ababayobora. Nta gitugu, nta kubakangisha kuraswa no gufungwa.

Bityo twizihize isabukuru ntawe uhejwe, nta kugoreka amateka, dutekereza ejo hazaza.

Bikorewe i Kigali 01 Nyakanga 2019.

Victoire Ingabire Umuhoza
Prezidante wa FDU-Inkingi
info@fdu-rwanda.com